



Jumat, 30 Oktober 2020
Ogen: Markus 2:1-12



“Mediate Ku Sekelewat”



Piga-piga bulan si lewat, lit sekalak Moria arah kuta si ndauh nari ertambar (terapi) ku salah sada klinik fisioterapi si terbaik. Klinik enda ibegina arah temanna nari, si ngatakenca nggo melala kalak malem arah terapi klinik enda, seh maka tiap erpagi-pagi seh berngi nterem kal pasienna. Tahun si lewat, Moria enda mengalami kecelakaan sepeda motor si erbanca nahena la megegeh erdalan, emaka ia harus ngelakoken terapi guna nahena e. Perban ia reh bas kuta si ndauh nari, emaka rusur ia dat antrian si terakhir. Tapi, amin gia latih akapna tutus kel atena gelah malem, lalap ia ertoto, tek ia banci ka megegeh nahena ndai erdalan. Seh maka dua bulan kemudian nggo igejapkenna megegeh nahena ndai. Adi si nen ka kerna bas Markus 2:1-12 enda, ketutusan sekalak sipang-pangen enda mabai kemalemen man bana. Isampati kalak ia, 4 kalak si nampati ia, tuhu-tuhu mekuah atena ngenehen kalak sipang-pangen enda. Lidah ras igejapken Jesus ketutusenna, emaka mediate Jesus guna nampati ia. Iban Jesus me tanda sengget man bana, amin gia piga-piga guru agama teridah ncakapken Jesus paksa si e. Jesus mpepalem sakit pinakit, bali ras kalak si sakit ras si nampati ia ndai, bali bagi moria si ndai, si fokus ia guna kemalemen nahena amin gia latih iakapna tapi megegeh ia ertoto mindo penampat Dibata. Perenungen man banta, adi kita salah sada si ikut pulung bas jelma si nterem e, nggit nge kita jadi salah sada i bas si 4 kalak ndai nampati kalak sipang-pangen ndai? Jesus mediate man sekelewetNa tentuna man kalak si reh ndahi ras mindo man baNa, si nggit berkorban. Nggo nge kita i bas posisi si e? Sabap kita pe kerina ertima nandangi penampat Jesus e. La saja dirinta, nterem kalak si i sekelewetta si meteh atena ipepalem, iperdiateken, isampati. Si mereken perhatin ras si nampati ngenda si kurang. Mari, sikataken, aku sada si nggit nampati.

Mediatelah nandangi sekelewetta, sebab Jesus pe mediate nandangi kita